

1615

8^e Carl m 12

H. 2131

LE CENCEVR

DISCOVRS D'ESTAT

pour faire voir au Roy, enquoy sa

Maiesté a esté mal seruie.

M. D C. XV.

THE NEWBERRY
LIBRARY

Case

F

39

.326

1615 Cen

LE CENCEVR

DISCOURS D'ESTAT

*pour faire voir au Roy, en quoy
sa Maiesté a esté mal seruie.*

LEs Rois, Princes & Potentats souuerains, n'ont point de fondement plus asseuré pour establir leur auctorité, leur repos & l'assurance de leurs personnes que l'affection & la bonne volonté de leurs subjects.

Le fondement de cét amour consiste en l'esgalle distribution du loier & de la peine, c'est a dire de la recompense & du chastiment que doit aussi tousiours estre fondée sur les deux Ordres de la religion & de la Iustice, car la pieté oblige à l'un, côme la Iustice condâne à l'autre, c'est pourquoy les Princes qui veulent regner heureusement doiuent en toutes leurs actions obseruer les effects de ces deux saintes regles, par ce que lors qu'il arriue quelque confusion ou desordre en l'une, le peuple est aussi tost mal content & diuisé, d'où naissent les guerres ciuiles & partialitez qui mettent les souuerains en peines infinies, & hazards tant de leurs personnes que de leurs Estats.

Encor est il plus dangereux, quant le desordre s'introduit dans toutes les deux, & que l'impieté & l'iniustice (leurs contraires) regnent en leur place d'autant que de la naissent les mescontentement & desespoirs generaux qui dispensent les subiects de leur affectiō, & les affranchissent de toute crainte, n'estant possible qu'il reste de la bonne volonté a vn peuple que telles causes ont porté a l'indignation & a la hayne n'y qu'il y ayt de la crainte ou l'iniustice a estably l'impunité des vices & toute confusion, puis que de la s'engendre la licence de mal faire, & de contreuenir a toutes les loix.

Et puis qu'il est vray que l'ordre de la religion & celuy de la Iustice estant a terres, ou renuersez la Police & la société publique, se trouuant aussi tost troublee & par consequent la consideration de tous deuoirs mise sous le pied par le regne du mescontentement au desespoir general quis'en engendre lequel n'a iamais lieu qu'il ne face aussi tost n'aistre des factieux & des factions.

Il reste maintenant a voir s'il y a trouble ou confusion dans ces deux ordres ou en quelques vnes de leurs fonctions & s'y cela est que mal on en doibt attendre mesprisant d'y apporter le remede necessaire.

Je ne marrestéray point a représenter particulièrement le desordre qui s'est mis depuis cinquante ou soixante ans dans nostre religion, n'y les malheurs que ces effects ont apporté

dedans ceste monarchie, par ce que nos propres yeux & le ressentimēt des maux qui nous en sont arriuez & qui en naissent encor tous les iours nous en donne tant de cognoissance, que personne n'en ignore, la cause n'y les accidens.

Ie diray seulement en passant que le plus beau, le plus entier, & le plus florissant Royaume qui soit sous la voulte du Ciel se trouue changē & diuisē en deux diuerses souverainetez, l'une tenant tousiours nature de Monarchie Royale, l'autre de Democratie, Aristocratique.

*La France
diuisee en
deux sortes
de souverainetez.*

En la premiere le Monarque est encor absolument recognu, mais subiect a tant d'aprehensions sur la regle de ses deportemens que chacun controle, que bien souuent il ne croit pas estre le plus heureux de son estat, en l'autre l'auctorité du Prince est tellement ranallee qu'il n'est plus qu'un simple protecteur, a qui on paye quelque tribut & sur lequel on tasche tous les iours d'empieter quelque chose a son dommage.

Ie diray aussi que le Roy ayant a son aduenement trouuē ce desordre estably dans son Royaume, a commencē par sa prudence assistee de la grace de Dieu & poussē des inspirations de son saint Esprit, d'y donner le vray & seul remede qu'il y failloit apporter, s'entend seulement pour ce qui regarde l'establissement de la societé entre son peuple, au lieu de la diuision qui s'y voioit auparauant, & a la verité

ce remede a esté de tel fruct qu'on a desia ven
arriuer plusieurs bons succez.

Il reste encor toutesfois quelque Police a
establi parmy les gens d'Eglise d'ependans
de la souueraineté Royale, & en la forme de
posseder les biens Ecclesiastiques.

Mais parce qu'il faut de necessité que le pou-
voir de sa Sainteté introuienne en ce faict
par la requeste mesme de sa Majesté ie n'en di-
ray autre chose pour ceste heure. Et me con-
tenteray de ne faire voir seulement sur cet ar-
ticle qu'a faulte d'observer vng des effectz de
la pieté, qui se prend pour l'esgale distributiō
du loyer ou recompence de ceux qui ont bien
seruy. Et de la satisfaction, ou remboursemēt
de ceux qui ont presté leur bien au Roy en la
necessité de ses affaires, Il arriue vng mal fort
contraire au bien de l'estat, qui est que l'af-
fection naturelle d'un grand nombre de gens
de bien en demeure alterée, Les vngs estans
mal contens pour n'estre payez & satis-
faits de ce qu'ils ont volontairement presté
pour suruenir comme il est dict aux plus vr-
gens affaires de sa majesté sous la foy d'elle,
de son Conseil, & de ses Cours souueraines;
les autres pour n'estre recompensez des ser-
uices qu'ils ont rendus aux perils de leurs
vies & detrimēt de leurs familles.

*Cause que
faict iuger le
Prince sans
pitié biē qu'il
n'ait rien si*

Or le mal que ce desordre peut apporter
est que bien souuent on voit que ceux qui
sont mal contens pour ce subject se persua-
dent & croyent apres que le Prince est sans

naturel, sans charité & sans aucune recognois- *esloigné de son naturel.*
 sance de ce a quoy l'honneur l'oblige. Et par
 consequent entre eux mesme l'acculent d'im-
 pieté & d'iniustice bien que le mal procede
 de ses ministres & non de luy.

De là vient que si le nombre de telles per-
 sonnes est grand, la liberté de se plaindre &
 de mal parler du Prince est du tout ouuerte,
 & chascun interessé entend volontiers la
 plainte de son semblable, pour y joindre les
 raisons de la sienne selō sa passion, Et en l'ha-
 bitude des trop libres discours de la vie, & des
 comportements du Prince, le mescontente-
 ment se tourne bien souuent en hayne, Et en
 mespris d'ou naissent les actions desesperées. *On ne peut plus souuent mal parler dequelqu'un*

Car il est certain qu'on ne se peut accoustu- *qu'on ne s'accoustume aussi a le hayr.*
 mer à mal parler souuēt de quelqu'un qu'on ne
 prenne aussi l'habitude de le hair & le defesti-
 mer principalemēt quāt on croit en estre mal
 traicté comme font ceux qui croient qu'on
 leur retient jniustement leur bien & leur tra-
 uail. Et qui s'en prennent a leur Prince, dont
 on voit aujourd'huy bon nombre dans nostre
 France, ou ceste retention de la peine & du
 bien d'autrui s'exerce, contre le naturel l'in-
 clinatiō & la volonté du Roy duquel on peut *Louange du Roy.*
 dire sans flater, qu'il ny eust jamais Prince plus
 misericordieux plus charitable ny plus pito-
 yable.

On demandera par aduerture d'ou vient
 donc ce deffault, a quoy on peut respondre
 qu'il procede de la grande bonté & trop de
 confidence de sa majesté vers ses seruiteurs, &

de l'autorité trop absolue qu'elle donne à quelques vns d'entre-eux qui luy representēt ses affaires en l'estat que bon leur semble, Et selon leurs passions particulieres, contre lesquels cependant les autres n'oseroient parler ny s'opposer de peur de mescontenter sa majesté.

Et affin de faire voir plus clairement que l'iniustice qui se rend en ceste retention du bien & de la peine des subiects ne viēt du Roy ny de corps entier du conseil, Ains seulement de quelques vns des principaux Conselliers, ie diray que tous les Jnterressez en cēt affaire portent soubz le seing, & soubz le Seel de sa Majesté & de son conseil, bien verifié aux Cours sotiueraines de quoy iustifier que leurs demandes ont esté trouuees, tres-iustes, ce qui monstre bien que leur mal ne vient que de quelques vns qui veulent faire ce mesnage pour eux, aux despens du repos de l'estat, & empescher l'execution des iustes volontés du Roy.

*Dangereuse
proposition
contre l'E-
stat.*

Cependant cecy est de telle consequence outre ce qui est du fait des subiets que la France perd son credit entre les nations estranges d'autant que les plus grandes debtes sont deuës aux estrangers, auxquels on donne aussi peu de satisfaction qu'aux François mesme?

On propose encores vn mesnage plus dangereux pour le Roy, car outre ce qui est dict, on veut disposer sa Maieité a abolir les pensions, & oster les recompenses ou satisfactions donnees par les Rois ses predecesseurs, disant que

9
que toutes les rentes qui sont créées pour dons
recompenses, ou debtes prouenant des des-
pences faites par leurs Maïestez, soit dedás ou
dehors le Royaume, doiuent estre declarees
nulles, ce qui ne sera de petite importance, at-
tendu que la pluspart de telles constitutions
n'ont esté faictes qu'aux Princes, Seigneurs,
Officiers de la Couronne, Ambassadeurs &
autres personnes qualifiées, plusieurs des-
quels sont morts, & leurs heritiers ont par-
tagé lesdictes rentes, & vendu & transporté
bonne partie d'icelles, dont ils seroient appel-
lez a garents, ce qui engendreroit infiniz pro-
cés & querelles entre les meilleurs familles
du Royaume, & par conséquent vn mes-
contentement, & haine cachée contre la Ma-
jesté.

Il y a vn autre mal, que produict ce reffus *Les Princes*
ou desny du loyer & de la satisfaction, c'est *sont ordi-*
que personne ne sert plus de la en auant que *nairement*
par art & avec dessein, & on croit que l'indu- *seruis selon*
strie mieux que la fidelité & l'affection, d'ail- *qu'ils sont*
leurs si le Prince est vieil & incommodé de sa *estimez.*
personne, chacun tasche a faire proffit de sa
cheure, & ainsi bien souuent le Prince est ser-
uy de ses ennemis, pensant l'estre de ses serui-
teurs bien affectionnez & la raison est quel'es-
perance du loier estant ostée, on essaye de
prendre ou acquerir de soy mesme par toutes
voyes obliques ce qu'on eust attendu de la
seule volonté & liberalité du Prince.

Je scay bien qu'on dira qu'il est malaisé a
vng Prince qui vient de sortir d'une longue,

& penible guerre, qui est desnüé de finance, & endebté de toutes partz de pouuoir rembourser le prest des vns, & recompenser le traual & la perte, des autres.

Et a la verité ceste difference auroit quelque apparence si on ne pouuoit faire voir qu'il a esté, & est facile de satisfaire a l'un & l'autre en partie par effects & en partie par esperance, & que ceux qui ont eu a manier les principaux affaires de l'estat & par consequent le cœur des subjects, pouuoient empescher ce mescontentement & en oster les plus iustes pretextes, au lieu quel semble qu'on tasche a l'augmenter, voire a le faire saulter iusques aux termes du desespoir, par le mespris & mauuais traitement qu'on faict souffrir a ceux qui poursuiuent leurs iustes pretensions, ostant a chacun non seulement l'esperance d'estre vn iour contenté du passé, mais aussi toutes sortes d'esperance d'estre recompensez des seruices de l'aduenir, ce qui se cognoist par la suite de ce discours traictant de la Iustice & des finances.

*Desordre de
la iustice.*

Et parce que la confusion & le desordre qui sont introduicts dans la Iustice de ce Royau- metirent a plus de consequence, ce que ie viés de dire y estant compris, & plusieurs autres faicts d'importance, qui peuuent non seulement porter le peuple a vn mescontentement general, mais a vn desespoir d'oit il ne peut arriuer que de tresmauuais effects j'en traicteray plus particulièrement & par ordre.

Et croyz qu'il est a propos de faire entendre

qu'il y a de deux sortes d'iniustice, l'une qui semble proceder du propre mouuement du Prince ou de son conseil, l'autre en general des officieys de la Iustice distributiue.

Celle qui semble venir du Prince, & dont nous venons de parler au discours de la pieté consiste en la faute de recompense a ceux qui ont bien seruy & de satisfaction a ceux qui en bien seruant, ont encor presté leur bien, dont ils souffrent incommodité: Et ces deux sortes de personnes croyent en leurs ames, leur estre fait vne grande jniustice qui mescontente les plus gens de bien, & desespere les autres, Cest comme mettre impieté & iniustice tous ensemble.

Cependant ceste jniustice en quelque souueraineté quelle se puisse commettre, ne peut venir du Prince, quant luy & son conseil & ses cours souueraines ont ordonné le contraire: Et qu'il ne reste que l'execution de son ordonnance qui est empeschée ou retardée par quelques particuliers: quoy que le peuple n'estant bien esclaircy d'ou luy prouient ce mal, croye cest par l'intelligence & par la volonté du Prince principalement lors qu'il ny remédie. Ceste sorte d'iniustice ne vient du Prince, ains de quelques particuliers de son conseil.

L'autre sorte d'iniustice qui semble venir des officiers de la Iustice & dont on ne l'aïsse de se prendre au Prince quant il la tollere longuement, vient de la forme indirecte dont les officiers vsent, ordonnans & disposans de la vie, de l'honneur, & des biens de ceux sur qui leur puissance & auctorité s'estend. Iniustice des Officiers dont on se prend au Prince.

Et a la verité si Dieu n'inspiré le Roy a estably quelque ordre, il ny aura bien tost plus de Iustice parmy nous que le nom & l'apparence exterieure.

Car en premier lieu l'impunité des vices est tellement que la lience de les commectre a du tout la bride laschee , ce qui est si facile a iustifier qu'il ne faut que ce représenter ce qui a esté fait depuis peu a Paris, a la face des estats du Royanme contre le Roy & le premier Parlement du monde sans en auoir esté fait iustice aucune , que voir aux Greffes de quelques vnes des Cours souueraines & iurisdicions inferieures de ce Royaume ou on trouuera vn nombre incroyable de procez criminels , de toutes sortes, les plus reprehensibles, qui sont indecis & penduz au croq, & vne infinité d'injustices qui se sont faites a plusieurs particuliers au grand preiudice du Roy & du public.

*Tirannie
des Officiers
dont on se
prend au
Prince.*

Et en ce qui regarde les fonctions de la Iustice pour ce qui est de la decision ciuile des biens temporelz , il ny a plus d'obseruence de droit ny d'equite en la pluspart , & les plus saintes loix & ordonnance ne seruent plus que d'ornemens de langage aux Aduocats qui en plaident & debattent les causes , aussi , y a il vn nombre infiny de personnes dont les justes prentensions , soit pour crime ou pour ciuil crient iustice à Dieu & au Prince n'en osans toutesfois entreprendre la poursuite se sentans ny faueurs ny argens & sachant bien que leur bon droit seroit inutil sans ces deux Arcs-boutans,

Et ne faut pas douter que de ceste espece de tyrannie rendus principalement par les officiers inferieurs & subalternes , on ne s'attac-

que du tout au Prince, Car celuy de qui on a meurtry le pere le frere ou le fils & celle de qui on n'a assassiné le mary ou l'enfant sans leur en rendre iustice croient que le Prince en est a blasmer, & qui leur doibt la satisfaction de leur iuste vengeance, & celuy qui pert son bien, pour n'auoir moien d'en poursuiure la restitution, ou parce qu'il luy est vsurpé par quelque Officier ou quelque autre personne plus riche & plus fauorisé que luy pour gagner & suborner les Officiers de la iustice, se prent au Prince du dommage qu'il en recoit, veu mesme que lesdits Officiers scauent fort bien représenter leurs excuses, & dire que leur nombre est si grand qui est cause des caballes qui se font parmy eux, pour adoucir changer & retarder les iugemens & empeschier que les voix des gens de bien ne soient suiues par l'opposition du plus grand nombre des autres.

Et sur ce qu'on les taxe de n'auoir plus de regle ny de bonne en ce qu'ils prennent de leur auctorité priuee pour leurs salaires, rapports, taxations droicts & espices, ils disent qu'ils n'en sont coupables ains, le Roy ou son conseil pour la quantité d'inuentions dont on haulte de iour en iour, le prix de leurs offices par taxations suppléments ou augmentations de nouveaux Officiers ce qui les force aussi de haulte le prix de leur salaires & taxations.

Que si on se plaint encores qu'ils ne rendent aucune iustice aux pauvres c'est a dire,

*Excuses
masquées de
quelques rai-
son dont les
officiers de
iustice et de
finance se ser-
uent pour se
déscharger
sur le Prince
et sur son
conseil.*

*Impiété des
Officiers
qu'on reiette
sur le Prince
pour le ren-
dre mal vou-
lu.*

a ceux qui n'ont moyen de poursuiure leurs Iustes demandes, soit pour crime ou pour ci- uil, ils respondent que telles gens ne pouuâs aider a les rébourser de ce qui leur cousté pour acquerir l'honneur de distribuer ou admini- strer la iustice, ils ne croient estre tenuz ny obligéz a les seruir sans vtilité.

Cecy est vn langage que l'on entend tous les iours prononcer tant aux officiers de la Iustice que des finâces le tout tendant a cou- rir & excuser leurs crimes & la tyrannie dont ils vsent sur les subjects du Roypour en char- ger la conscience, & l'honneur de sa majesté, & rendre son peuple non seulement mal con- trêt, mais animé contre sa personne, car en tous Gouuernement souuerains les subject croyét que leur Prince ne leur doibt rien au monde que la Iustice & qu'il ne tient son estat qu'à ceste condition sans l'obseruance de laquelle ils estiment estre dispenséz du serment de fi- delité.

*Les culpa-
bles & crimi-
nels sont en-
nemis mor-
sels de leurs
Princes.*

Cependant l'iniustice apporte ce mal que l'affection des plus gens de bien en demeure alteree, & que le nôbre des ennemis, du Prince & de l'estat croist de iour en iour par ce que tous coupables & criminelz qui apprehen- dent tousiours le chastiment qu'ils cognois- sent auoir merité, sont en leurs ames Enne- mis du Prince desirant de le voir perpetuelle- ment en trouble, affin d'eüiter par la confusio leur peine merit er.

Et de la vient que jamais les estats rempliz de telles personnes ne sont sans factieux ny

sans faction a quoy les gens de bien mal contents voire indignez, pour les causes alleguees, ne s'opposent, ains laissent trainer deuant leurs yeux lesdites factions & bien qu'ils ne soyent pas des conspirateurs, ils ne sont pas toutes-fois marris de voir conspirer disans entre eux qu'ils auroient de plaisir de voir arriuer mal au Prince. Mais qu'ils seroient bien aises de les voir donner quelque coup de la Vierge de de Dieu qui le peust r'amener a la cognoissance de ce qui se passe, au preiudice de son ame de sa reputation, & de leur interest particulier, dont ils le croient seul garent & responsable deuant Dieu.

Que s'il est vray comme il n'en faut point doubter que l'ordre de la iustice soit tellement destruite qu'il se puisse visiblement monstrer que le peuple paie plus le tribut a l'iniustice de la iustice notamment aux iurisdiccions inferieures & subalternes qu'au Roy mesme, & que la confusion qui s'y remarque peut a la longue faire naistre quelque malheur, les Ministres de l'estat au moins ceux qui sont cause du desordre me pardonneront, s'il leur plaist, si ie dis qu'ils seront blasmez de ne chercher remede a ce mal, & de laisser ruiner vn des principaux pilliers de l'estat sans lequel nulle monarchie ny republique ne peut subsister.

Que s'ils disent y auoir faict ce qu'ils ont peu; & que le Roy veuille entendre les raisons qu'on luy peut alleguer au contraire, sa Maesté demeurera satisfaicte de la verité, & verra que dans trois mois, elle peut sans d'espence

*Raison pour
monstrer la
faute que
commettent
les Conseils
des Princes
quans ils les
portent a
quelque mal
& a la veri-
té ceux la
meritent
double puni-
tion qui ser-
uent vn
Prince.*

*Religieuse
& bon, luy
sans inuisi-
blement com-
mettre des
actes d'im-*

*plere & d'in
iustice, &
aux estats
bien regler
les Conseil-
lers sont ga-
rants de
leurs cōseils,
& en patif-
sent quant
ils apportent
du mal.*

ny travail remettre les cœurs de ses subjects en
ses mains, Et que le mal tournera sur ceux qui
en sont veritables causes, & ausquels il n'est pas
possible de représenter quelques excuses ou
deffence qui puissent empêcher le peuple
voire les plus grossiers esprits de les accuser
d'auoir eu les yeux bandez en la cognoissance
du bien, & du repos de l'estat ou de croire qu'il
ya eu du dessein de le porter a vne subuer-
sion ou ruine entiere.

Il y a tant de subject de s'estendre sur ce dis-
cours, & sur la faute inexcusable que font les
Conseillers & Ministres des Estats ou repu-
bliques qui n'ont perpetuellement leurs ima-
ginations attachees au maintien de la iustice
distribution qui s'en doit faire que le dis-
cours en seroit trop long & ennuyeux.

Il y auroit encor plus de superfluité de lan-
gage qui voudroit représenter particuliere-
ment toutes les sortes d'iniustices qui se ren-
dent par les officiers tant de la iustice que des
finances entre lesquels neantmoins il ne laisse
de rester plusieurs gens de bien particuliere-
ment dans les Cours souueraines desquelles
ie n'entends parler sinon de quelques vnes, &
non pas toutesfois des corps entiers, par ce
qu'en ceux-la mesme il y a vne partie des Ma-
gistrats & Senateurs qui sont tresmarris du
desordre qui s'y commet.

Je me contenteray dōc pour ceste seure de ce
que i'en ay dict affin de traicter aussi quelque
chose des Finances ou il se faict vn mesnage si
pernicieux & si contraire a la manutention
del'estat

del'Estat que de l'a' vient pour certain le des-
ordre dont il est parlé cydeuant, & qui est cau-
se qu'on peut avec Iustice accuser d'impieré, &
d'iniustice, ceux qui l'establissent.

Le premier mesnage qui s'est faict aux finan-
ces a esté tel qu'on a regardé seulement à faire
que les comptables payassent plus prompte-
ment les deniers du Roy, & a leur oster le
moyen de s'en seruir quelque temps cōme ils
faisoient, ce qui eust esté vn bon acte si on eust
preueu a empescher lesdits cōptables & autres
Officiers des finances, de faire porter double-
ment au peuple l'incommmodité que ce regle-
mēt vous apportoit, mais tant s'en faut qu'on
y ayt estably quelque ordre, qu'on leur a laissé
routelice de mal faire, ouuerte d'ou est ve-
nule premier mescontentement, & qui fait
voir que le mesnage des Monarchies n'est pas
comme Læconomat des familles particulieres
d'autant qu'il se peut faire infiniz profits &
augmentations aux reuenus des souuerains
dont la suite & la consequences tourneroit a
la fin a leur plus grand dommage, comme de
faict il se remarque que ce reglement qui de
soy est bon, a plus apporté de mal que du bien,
faute d'vn peu de soing, par ce que au lieu d'y
ne petite vtilité, que le Monarque en a receue,
la Monarchie en reçoit vn dommage beau-
coup plus grand, & qui a la longue peut tour-
ner sur le Monarque mesme, puis que ses sub-
jects en subjects en sont ruinez.

Depuis ce premier mesnage il me semble
qu'on a eu autre dessein que d'amasser de lar-

*Il y a grand
difference de
l'occurrence
des Monar-
chies a celle
des familles
particulieres
car bien sou-
uent ce qui
peut seruir à
l'un peut
preiudicier à
l'autre.*

gent d'une façon qui peut ruyner l'Estat au lieu de le conseruer, car on monstrera au doigt & à l'œil, lors qu'il en sera temps, que tous les Edicts declarations, lettres patentes, & commissions qui se sont expediees depuis six ou sept ans tant pour leuees de deniers extraordinaires, creation de nouveaux officiers, suppléments de leurs taxes, que pour ventes, reuertes, alienations du Domaine, & pour recherche des maluersations commises par lesdicts officiers de la Iustice, & des finances ont esté ruyneuses a sa Majesté & à son peuple & qu'où laisse voire reietter plusieurs inuentions d'augmenter ses finances, au contentement de son peuple pour en prendre a son détrimment.

Et afin qu'il ne sèble que ce discours soit fait a la volée sàs estre appuyé de toutes les raisons qui en peuuent veriffier les propositions, ie presenteray seulement quatre ou cinq sortes de mesnage ou augmentation de deniers qui se sont faicts de fraische memoire ausquels on cherche vn petit gain pour faire vne grande perte voire pour ruyner l'Estat.

*Mesnage
pour croistre
le desordre
de la Iustice
& par con-
sequent pour
ruiner l'E-
stat.*

Le premier à esté contre la Iustice, & pour en augmenter le desordre par la creation des Lieutenans excesseurs criminels, qui a du tout ruiné l'ordre de la Iustice, & oste aux Iuges la volonté de l'administrer selon le debuoir, car ça esté proprement vn tribut qu'on a prins sur tous les Iuges & chefs de la Iustice qui leur à causé mille pertes particulieres, & desplaisirs a chacun d'eux, outre infiniz procez, entre les nouveaux establis, & les anciens dont la pluspart

en fin se sont accordez aux despens du peuple , & resolut de luy faire porter le dommage qui a la longue tournera sur le Roy , lequel cependant blessé sa conscience , & diminue l'estime de sa reputation tant parmy ses subiects que les Princes estrangers quoy qu'il ne soit blasmable de ce fait n'en estant instruit & se reposant sur ceux qui manient ses affaires.

L'inuention qui a esté trouuée de faire exercer la Iustice par party , est encor plus ruineuse car il n'y a rien si inique que d'assigner les vacations , & les salaires du Iuge sur les condamnations qu'il doit faire , ce que toutesfois se pratique aujourd'huy de telle sorte que s'y vn Iuge est deputé pour aller informer de quelque maluersation , il faut qu'il face la duâce des fraiz de son voyage sans esperer d'en estre recompensé que sur ces Iugemens , & s'il y a quelqu'un qui face party des amendes & confiscations qui peuuent prouenir desdites recherches , il faut qu'il scache le secret des Iuges & qu'ils s'accordent ensemble , qui est vn vray moyen de corrompre les plus gens de bien & dont il arriue vn s'y grand inconuenient que tous les riches coupables se sauuent , & les pauures seulement perissent sans vtilité pour le Roy ny pour le public.

Injustice inique plus importante qu'on ne pense.

La raison est que le procez d'un riche coupable est plus malaysé a faire , ayant plus de moyen de regagner les tésmions , d'appeller , de recuser & de pratiquer des faueurs & par consequent retarder le iugement de son procès voire mesmes en corrompant bien sou-

uent les Iuges ou commissaire qui voyât ceste confusion perdent tout courage de bien travailler & ne regardent qu'à chercher le fonds pour leurs fraiz sur ceux qui n'ont moyen de fournira la d'espence de telles prolongations & qui pource subject payent plus promptement les petites amendes a quoy ils sont condamnez & cependant tirent le plus souuent quelque present des riches pour les laisser libres lesquels se remboursent apres sur le peuple.

Le troisieme mesnage, Auquel il se commet Iniustice & le party du Sel, ou sa Majesté faict perte de Quatre cens mil escus tous les ans outre l'incroyable tyrannie, qui s'exerce sur son peuple par les partisans & leurs associés qui tous ensemble ont eu cét artifice de faire entrer en leur party des principaux aupres du Roy des gens du Conseil des Magistrats des Cours souveraines & quelques gouverneurs des Places & Forteresse, le tout pour les maintenir ! ce qui a reduict le peuple en tel desespoir que sa Majesté sçait qu'en quelques Prouinces on a commis des rebellions a sa Iustice & ses Hussiers battus & outragés par plusieurs gentils-hommes chose de pernicieuse consequence & qui n'est arriuee que par ceste belle inuention de mettre le sel par Impost laquelle a donné plus de travail au peuple que ce qu'ils payent de la taille & cependant les partisans & leurs associez par leurs faueurs & pensions sont tellement supportez qu'ils font autoriser leurs violences & font que le con-

seil treuve bonnes toutes leurs raisons quoy que friuolles au grands preiudice de sa majesté & au mescontentement de son peuple de quiles plainctes ne sont plus escoutees les affaires estans en tel estat.

Le quatrième Mesnage a esté le bail des aydes ou la Majesté faict perte de plus de quatre millions de liures qui luy ont esté offerts & qui tournēt au profit de quelques particuliers qui deburoient estre ses meilleurs seruiteurs & que d'ailleurs elle a assez obligés pour les empescher de luy faire ce deservice.

Il ya d'aduentage contre l'estat cest qu'en l'exécution de ce bail, on mescontente dans les Prouinces vn nombre infiny de personnes de qualité Ecclesiastiques nobles & Iusticiers dont le mescontentement ne seroit raisonnable s'y l'vtilité qu'on leur oste retournoit au Roy, parce que cest son bien Mais ils sont maris qu'on prend sur eux pour enrichir d'autres qui sont moins recommandables & que d'ailleurs ils voyent ceux qui ont des rentes ou arerages d'icelles a recueillir sur les fermiers n'estre mieux payé qu'auparauant dont il se fera bien tost de grandes plaintes principalement des concussions exactions & compositions que ledict fermier & ses commis font sur toutes sortes de personnes sans respect de qualitez ou meritée par moyen de l'inique permission qui luy en ayt donnees dans son bail ou il est expressement dict que luy ny sesdicts commis ne pourront estre recherchez de tels commis, ô que ceste Iniuste licence dô-

Autre mauvais mesnage veriffie par les office qui ont esté faictes au profit du Roy sur les deux fermes de aydes & gabelles, en ce Mesnage il se commet de grandes iniustice contre le roy le public & les particuliers.

Grande iniustice sur le public.

ne d'escandale au Conseil, Et particulieremēt à ceux qui portent si pationnemēt les fermiers lesquels ne se pourront vn jour excuser sur la consequence de cēt article non plus que d'auoir faict perdre au Roy quatre cens mil liures de reuenu annuel avec trois millions de liures de deniers d'entrees pour vne fois qui ont esté offert à sa Majesté depuis peu sur le terme des aydes & gabelles outre & pardessus ce qu'on en paye a present toutes leurs procedures violentes qui ont esté recueillies soigneufemēt seront les vrais tesmoins pour la veriffication de leur fautes & les propres arrests, dōt ils ont condamné aux amendes & folles enchères ceux qui procuroyent ceste vtilité au Roy, & a son peuple les feront iuger coupables quelque déguisement qu'ils y ayent peu apporter à quoy seruiron encor les jniures & outrages qu'ils ont faict souffrir en plain Conseil a ceux qui par debuoir il falloit cherir & traicter plus doucement veu l'vtilité de leurs offres & ce qui est plus dangereux en ce faict, cest que cē mauuais acte comme contre le seruice du Roy, & le bien public n'est seul.

*Injustice contre le Roy
mesme.*

*injustice aux
particuliers.*

Autre injustice.

*Artifice pour
empescher le
Roy & voir
son profit &
del'accepter.*

Pour preuue de quoy il est a remarquer que depuis deux ans quelques vns ayant presenté des offres d'enchere sur les fermes de Normandie, sur le Sel, sur les aydes & sur le parry de Paulet, ils ont esté pour recompense de leurs villes offres non seulement repoussez ou refusez, mais mal traictez & gourmandez & pour couvrir ceste faute inexcusable, on n'a point faict de conscience de dire a sa Majesté

qu'il ne failloit receuoir ny escouter telles personnes pour rompre les premiers baux & contracts & que ce seroit violer la foy publique bien que cela soit par plusieurs fois executé par ceux mesmes qui depuis ont voulu prendre vn autre chemin , & que quelques vns desdits baux & contracts dont il s'agissoit eussent esté verifiez au besoing, estoit mesmes qu'ils n'eussent esté proclamez publiez n'y affichez par tout ou ils le deuoient estre affin d'en donner la cognoissance au peuple & par ce moyen ouvrir le chemin de routes parts d'encherir & faire le proffit de sa Majesté à ceux qui en auroient eu la volonté.

Comme de fait il est certain ques'y les formalitez eussent esté gardees aux baux affermes, & partiz de Montauban, Rebin Fedeau, & Paulet la condition du Roy eust esté beaucoup meilleure , ce quise recognoist par les offices qu'on a faictes depuis sur lesdicts partiz mais tant s'en faut que l'on voulust donner courage à ceux-la qui eussent eu quelque desir de proposer & faire l'aduantage de sa Majesté qu'on a degourté tous les subjects de lozer entreprendre a l'aduenir & voyla cependant le bon mesnage qui ce faict dans ce siecle ou les partisans artificieux ont plus de regne que iamais ne manquans d'apuy ny d'art pour se faire maintenir en la possession de leur party, à quoy sa Majesté donnera ordre quelque iour avec layde de Dieu.

Or il est a considerer que ceux qui sous la couuerture de ceste foy publique, veulent em- *Pretexte
pour courir
une iniustice.*

pescher le Roy de iouir du benefice de relief dont ses subjects se seruent ordinairement pour remedier aux deaptions de toutes promesses, contracts accords, & transports frauduleux luy font iniustice, car il ne peut estre de pire condition que ses subjects, auxquels il se rend esgal en ce fait se conformant aux loix, bien qu'il y ayt des considerations plus expresses & plus estendues pour luy, que pour des Fermiers, & partisans par ce que ce qui est mal pris, desrobé, ou retenu du bien du Prince tombe sur le dos des subiects a la longue, ny ayant rien si certain que la perte & le dommage du Prince sont preiudiciables au peuple comme son oppulence & sa richesse luy sont viles, & c'est pourquoy personne n'a subject de se plaindre de son Prince, quant il se veult remettre en possession de ce qu'il auroit vendu, accordé, ou donné a son dommage, tirant les particuliers ou le public hors d'intérest pour recompense ou desdammagement.

La perte du Prince tombe sur le peuple.

Verité qu'on a deguisee & ceele au Roy pour le tromper.

Et pour monstrier clairement l'abus qui a esté commis sous l'ombre de ceste foy publique, il sera remarqué qu'au bail des aydes faictes à Montauban il est expressement porté qu'il pourra estre depossédé en le desdammageant, & neantmoins le Roy sçait qu'on ne luy a iamais remis autre raison deuant les yeux pour empescher de receuoir les offices aduantageux sur les aydes & gabelles dont on a cy deuant parlé, sinon qu'il romproit & violeroit la foy publique, luy taisant la verité de la teneur dudit bail.

Peut

Peut on parler d'une plus manifeste iniustice *Iniustice cō-*
 contre le Roy, que de ne vouloir pas qu'il *tre le Roy &*
 rompiſt ce bail ou party, & on a bien permis *les particu-*
 aux Partifans par arrest du Conseil contre l'or- *liers.*
 dre de Iustice de deposseder les soubſ fermiers,
 rompre les baux qu'ils auoient faictz avec luy,
 & receuoir des tiercemens hors les temps pre-
 scriptz par les ordonnances : ceste iniustice
 comme on peut voir est contre le Roy, & le
 public, & tout cela fait trop cognoistre que ce
 n'est pas ceste belle regle de l'entretien de la
 foy publicque, qui pouſſe ceux qui la prennēt
 pour deffence au dommage de sa Maieſté, &
 du public. On leur pouuoit dire que ce seroit
 bien mieux garder la foy publicque d'auoir
 ſoin de faire bien administrer la Iustice, de
 rendre a ceux qui ont presté, de recompen-
 cer ceux qui ont bien merité : & de ne pren-
 dre par force & contre les Loyx de l'estat, le
 bien des ſubjectz, que de vouloir empescher
 sa Majesté de reprendre son bien, quand elle
 le trouuera mal pris, ſoubz ombre de ne
 rompre vn contract authorisé par Caballe, dās
 lequel sa Majesté recognoitroit auoir esté
 deçeuë.

Et affin de s'interpreter plus clairement sur *Grande in-*
 l'entretien de ceste foy publicque si passion- *iustice contre*
 néement, & si hors de propos allegues : est- *la conscience*
 ce pas la violer iniustement d'auoir depossédé *et l'honneur*
 par supression, ou autrement tant d'officiers *du Roy.*
 pauures, & riches, ſans parler des Receueurs
 de la ville de Paris, apres auoir prins leur ar-
 gent qu'ils ont finacé de bonne foy pour leurs

offices sans leur en faire restitution n'y recompence, laissons apart les autres retentions de la peine, & du bien d'autrui dont il a esté si deuant traité : celle-cy est elle pas vne iniustice, qui ne s'exerce en nulle autre monarchie? appellera-on cela conseruer la foy publique, y'a il en ce faict plus de religion, & de iustice qu'a rompre les contractz faicts au prejudice, & desauantage de sa Majesté, mesmes en desdommageans les contractans, & tirant chacun hors d'intrest. Est-ce aussi garder la foy publique d'oster par force tant au corps des cōmunautéz qu'aux particuliers infinis droicts & priuileges qui leurs estoient acquis de si long temps, & confirmez par tant de Roys successiuement : voire par sa Majesté mesme au commencement de son regne, sont ce pas inuentions d'aliener où diuertir les volontez, doit-on croire que l'affection naturelle de tant de personnes interessées, & principalement de ceux qui sont offencez à l'honneur & au bien tout ensemble, demeurent dans les bornes du debuoir sans alteration, & qu'ils n'ayent nul desplaisir de ce voir les vngs des-honorez, & ruinez sans auoir faillly, les autres priuez de leurs libertez & franchises au preiudice de leurs anciennes chartres & contractz, que chacun ingere la passion d'autrui par son propre ressentiment, & il aduouera que telles personnes ne peuuent rester contentes, & que ceux qui causent ce mescontentement par leurs mauuais conseilz, & mauuais actions rendent vn grand deseruice au Roi.

*Ceste procē-
dure aliene
les Cours &
les volontez.*

En l'Edit de Paulette Roy fait encores vne grande perte comme on fera voir à sa Maieſté & oultre ce quelle meſcontère la nobleſſe qui commence à conſiderer qu'apres l'auoir priuée de toutes charges, & autoritez militaires durant la paix on luy oſte encor par cet Edit toute eſperance de rentrer iamais aux charges de la Juſtice, puis qu'on les rend hereditaires à ceux qui les poſſèdent maintenant pour la laiſſer inutile, & meſpriſée de ceulx, dont elle auoit touſiours eſté honoree.

*Mefnage di-
rectement
contre le bien
de l'eſtat qui
offence la
Nobleſſe &
foule le peu-
ple.*

Et c'eſt la verité que iamais il ne c'eſt fait dans la France vn ſi pernitiex Edit ny ſi propre pour abollir & ruynier la Juſtice, car ceſte diſpence des quarante iours que les officiers acheptent fera qu'ils ſe diſpenſeront auſſi de bien faire, & qu'ils feront porter iniuſtement au peuple le tribut annuel quelle leur coſte tout ainſi qu'ils luy ont deſia faiſt, & font encor tous les iours payer les ſuplemens, taxes, Empruntz, & autres charges qu'on a tiré d'eux, a cauſe de leurs offices, & les gens de biē meſme ſeront contrainctz d'en vſer ainſi malgré eux pour l'incommodité que ceſte rente & ſurcharge leur apporte, & encor que la diſpence die que c'eſt pour donner courage aux officiers de bien ſeruir conſeruant ainſi leurs offices, ſi eſt-ce qu'ils ne ſuiuront pas le ſens de la lettre pour les garder plus long temps, mais s'en ſeruiront à la meſme intention du Partisan, c'eſt a dire pour faire leur profit, & ne fault pas douter qu'à la longue ils ne les viennent à bailler à ferme à qui bon leur ſem-

*Cet Edit
ruine la Ju-
ſtice.*

*L'argent
qu'on faiſt
paier aux of-
ficiers de Ju-
ſtice & de ſi-
nance eſt
d'autant de
ſurcharge ſur
le peuple.*

blera, & qu'ils ne s'entre-aident, & prestent l'espaule l'un a l'autre pour couvrir les contracts simulez, & les déguisemens qu'ils voudroient faire contre l'intention du Roy & des Partisans, estans soubz Iuges de la caballe qu'ils feront entre eux, & n'en fault esperer que toute confusion, puis que lesdits officiers sont ceux qui portent plus de desplaisir de cét Edit, que lon a feint estre pour leur bié.

*L'autorité
du Roy raval-
lée par cest
Edict.*

Cest Edict de dispence rend tous les offices patrimoniaux aux Officiers, & lestire du pou- uoir de sa Maiesté diminuant son auctorité, & les Officiers sont libres de les garder tant & si peu qu'ils voudront, mesme de les bailler a telles personnes qu'il leur plaira, & est vn moyen d'oster insensiblement au Roy la plus belle & premiere marque de souuerain, luy faisant vendre & quitter le pouuoir de faire des officiers de sa main, & de choisir des hommes doctes & vertueux pour bien administrer la Iustice, car il est certain que les officiers de Iustice ne autres ne seront plus faicts par sa Maiesté ains par le partisan & par ceux qui voudront resigner, a qui l'integrité, la suffisance, & la qualité seront indifferentes pourueu que ceux qui se presenteront aient de l'argent, ou qu'ils leur soient agreables pour d'autres considerations, d'ailleurs il est a considerer que Paulet, ou ceux de qui il depend, ont vn grand pouuoir en main de corrompre toutes sortes de Iuges au preiudice du Roy, & du public, & qu'il ny aura criminel qu'ils ne puissent sauuer, ny comptable de qui ils ne facent

allouer le compte quelques faulcetez ou suppositions qui y puissent estre car ils ont de quoy obliger tous les Iuges.

Il est encor a considerer que si les ennemis de l'Estat, veulent, ils peuuent mettre & establir des partisans pensionnaires & factieux dans toutes les Cours souueraines, & aux finances, sans qu'on s'en apperçoie, puis que le Roy est lié, & obligé d'accepter toutes resignations indifferent, & les Magistrats des Cours souueraines n'oseront plus vser de tant de ceremonies comme ils faisoient au receptions des pourueuz sur la perquisition de leur vie mœurs & religion pour la consequence de leurs enfans ou autres ausquels ils voudroient resigner, & voilà comme il sera facile tant aux estrangers, qu'aux autres mal affectionnez a cest estat, de creer des Officiers dont plusieurs gens de bien murmurent comme aussi de la trop grande auctorité que cest Edict donne aux Officiers de iustice, principalement à ceux a qui on laisse tout pouuoir d'exercer sur les autres subjects leurs animositez & vengeance de generation en generation, ce qui les rendra plus redoutables & plus insolens.

*Consideratiō
de grand
prix pour le
mal qui y
peut arriuer
a l'estat.*

Ce bon mesnage est encor vn vray establissement de l'ignorance, & par consequent de toute confusion, car il n'est plus de besoin aux Peres de faire estudier leurs enfans, sinon grossierement, puis que leurs offices leur sōt fieffez & donnez en heritages par ce bon reglement, qui oste tout moyen de forcer les

*Etablisse-
ment de l'i-
gnorance.*

hommes d'acquérir par l'estude, les sciences quiles rendent capables de seruir le Roy, & le public.

*Proffit parti-
culier qui
peut causer
vn dommage
general.*

On dira que par ce reglement le prix des offices se hausse, & par consequent le fonds des parties casuelles comme il est sans doute, mais cest vn proffit particulier qui ne vient du tout au Roy, & qui tend a ruyner son Estat, & la mesme vtilité, voire plus grande se pouuoir tirer d'une autre façon sans prendre tribut sur les Officiers, ny les charger d'aucune augmentation de prix sur les offices, ains seulement en faisant vn reglement necessaire pour empescher les faulses resignations, & les abus qui se commettent ausdites parties casuelles, enquoy sa Majesté eust gaigné ce que les partisans profitent qui est beaucoup, comme il se peut iuger par l'appuy qu'ils ont pres de sa personne, & en son conseil, & comme sa Majesté la peu recognoistre. s'il luy a pleu y prendre garde, & remarquer avec combien de passion on a porté ledit Paulet, sans auoir esgard aux raisons icy representees, soit qu'on les ayt ignorees ou qu'on ayt feinct de les ignorer & si sa Maiesté doubte du mescontentement qu'a porté cest Edict, elle en peut estre bien tost esclarcyé prenant la peine de s'en informer.

*Ce mesnage
a le bien con-
siderer est
tout plain
d'impieté &
d'iniustice.*

On à faict vn autre mesnage contre la conscience l'honneur, & l'vtilité du Roy, en la cōposition des financiers, par laquelle outre ce qu'on à faict perdre a sa Majesté, on à preparé l'entiere ruine du peuple, & violé la foy

publicque à dix mil denontiateurs, la pluspart gens de qualité ausquels ou à leurs amis lesdits financiers auoient vollé & retenu des sommes de deniers, & qui s'estoient affectionnez en ceste recherche tant pour le seruice du Roy que pour leur interest particulier, qui toutesfois n'en raportent autre fruct que force ennemis & de la despence qu'ils y ont faicte, ce qui porte vn tel preiudice que nul ne veult plus dire ce qu'il fait, estre passé contre le seruice du Roy, & cela nuit assez à la descouuerture des faulcetez qui se sont commises aux finances, & lesquelles eussent esté faciles à descouurir si la composition eust esté faicte d'une autre façon, qui n'eusse point tendu à obscurcir cest affaire, & priuer le Roy de la grand vtilité qui luy en pouuoit reuenir.

Car bien qu'il soit tres-pernitieux de tirer profit, & faire vne partie casuelle de l'impunité des vices, si est-ce que ceste composition, se pouuoit conclurre, & accorder plus aduantageusement pour sa Majesté, & le public, car celle est si pernitieuse qu'il n'est pas croiable que sa Majesté sçache la substance des articles secrets, ny qu'elle les ait veuz, attendu le dommage qu'elle & son peuple en reçoient, estant fort facile de luy faire voir qu'on luy fait tort de plus de trois cens mil escus par la forme de ceste composition, & que ça esté vn tresmauuais mesnage de faire leuer sur le peuple vn milion de liures, pour n'en faire toucher que trois cens cinquante milliers à sa Maïesté, & encor sous des condi-

On ne croira pas que le Roy sçache le secret de ce traité.

Les coupables sont ingens des gens de bien, & les taxent comme bon leur semble qui est vne grande injustice.

nions de lauantageuses, bref il n'y auoit point d'apparence de raison de tirer trois ou quatre coupables de la prison voire du supplice pour leur faire gagner de l'argent, au lieu qu'ils en deuroient donner pour rachepter leurs vies, & leur honneur, & par vne double iniustice leur donner encor vne espee de tyrannye à exercer sur les menus officiers, ou plustost sur le pauvre peuple qui payera tout.

En fin les coupables qui ont fait le party de ladite composition y gagnent tant que chacun leur offre d'y entrer avec eux, & voila vn exemple bien estrange pour l'aduenir, & vne voye d'empescher le peuple d'oser iamais parler n'y se plaindre de telles personnes, qui par ce moyen seront plus redoutez à l'aduenir qu'ilz n'estoient, & ausquels on laisse vn Empire tyrannique sur le peuple.

Cecy est contre l'interest du Roy.

La forme dont ceste composition est bastie, oste au Roy & à son conseil le moyen de cognoistre par quels artifices ou déguisements les abuz ont esté commis, & par consequent le pouuoir d'y remedier, au contraire elle donne moyen aux coupables de cognoistre les denonciateurs & tesmoins qui les auoient accusez, de sçauoir ce qui estoit rapporté contre eux, & de voir en quoy ils auoient manqué à couvrir leurs crimes en les commettant afin d'y remedier d'icy en auant, & en obscurcir avec plus d'art la cognoissance, & Dieu sçayt s'ilz se vengeront des accusations & tesmoins, s'il est en leur puissance.

On est encor apres à faire vn plus mauuais mesna-

mauuais mesnage pour ce qui regarde les crimes de faux en cas reseruez par ladite composition, car si sa Majesté n'y prent garde de prez, on fera esuanouir cest affaire comme les autres taschant à luy faire croire que le fruit en sera trop long, & qu'il est impossible de descouvrir le mal qui a esté commis, qu'avec vne grande despence, vn grand trauail, & de longues années, quoy que ceux qui le disent scachét bien le contraire en leurs ames & qu'il n'y à rien plus necessaire pour le seruice de sa Majesté que la descouuerture des déguisemens faulcetez, & supositions qui ont esté cōmises tant en l'ordinaire, & extraordinaire des guerres, qu'aux viures, Artillerie, dons, & pensions secretes, dedans & dehors le Royaume, & qu'il n'y a rien si facile à descouvrir puis quel hœur à tellement accompagné sa Majesté qu'elle à en main plusieurs personnes qui estans venus implorer sa misericorde, luy ont confessé auoir eux mesmes aydé à fabricquer pour cinq ou six cents mille escus d'acquiets ordonnances, & roolles faux, & quiluy promettent faire descouvrir la caballe, & ses secretes inuentions des financiers sur le peril de leur vie, comme ils l'ont fait desclarer, & signifier à quelques vns des plus riches financiers de ce Royaume pour monstrier l'assurance qu'ils ont de veriffier leur dire.

Cest affaire est de telle consequence pour le seruice du Roy, qu'en veriffiant pour vn million d'or de ces deniers mal pris, & neant-

*Inuention,
dont on s'est
seruir & dōc
on se sert en
cor pour
tromper.
le Roy.*

*Ce sont mo-
yens de des-
couvrir faci-
lement les
maux pas-
sez.*

*Cest affaire
est d'import-
tance.*

moins païsés & allouez , en ces chambres des Comptes par le moyen des susdites faulces pieces , on descouuriroit les moyens & inuentions par lesquels on à contrefaict tant de seings pour masquer, & couvrir tant de desguisemens & supositions , & ceste descouuerture des maux passez ne se peut faire qu'on ne trouue & qu'on ne voye infalliblement le remede pour les empescher à l'aduenir , de sorte que se seroit deux bons effects , quel'on tireroit de ceste seule cause.

*Desseruice
qu'on rend
au Roy.*

Cependant c'est la verité que ceux qui deuroient rechercher l'esclaircissement de ces larrecins consequentieux , taschent à les obscurcir , & si le Roy vouloit aprofondir ce faict & voir s'il est vray qu'on se soit opposé à la recherche desdites finances , voire qu'on ait voulu disposer les commissaires à mal seruir par certains langages , plains de violence tendant à vne mauuaise fin , sadite Majesté scauroit d'estranges choses , dont on ne luy ose parler , & cognoistroit qu'on luy a faict plus de desseruices en ce subiect quelle ne pense , & qu'on luy pouuoit faire auoir vne grande vtilité de ceste recherche avec la bienveillance de son peuple , & l'estime de ses voisins , ce qui est tous au contraire , car il semble que ceux qui manient absolument ses affaires , ont dessein d'obliger particulièrement a eux cõtre l'interest du Roy & de son peuple toutes sortes d'officiers de iustice , & de finance qui sont subjects a reprimende , & non les gens de bien qui restent entre eux lesquels peuuent seruir

le Monarque & la Monarchie, estant tousiours autant ennemis de la confusion comme les autres desirent qu'elle soit maintenue pour leur vtilité.

Quel autre bon Mesnage cest-il encor faict au preiudice del'honneur & de l'vtilité du Roy, en ce qui c'est passé pour les Receueurs des re-
Iniustice contre le Roy & les parci- culiers.
 tes de la ville de Paris, est ce pas vne forme de proceder maudite & toute remplie d'iniustice, tant contre sa Majesté que contre lesdicts receueurs, peut on nier qu'on n'ait rendu vne tres-grande Iniustice ausditsreceueurs de leur auoir sans forme de Iustice prins leur bien, & osté l'honneur à la face de tant de Cours & Iustices Souueraines, on ne peut pas dire que ce feust faute de iuges pour faire leur procès puis qu'on estoit au milieu du priué Conseil, du grand Conseil, des Cours de Parlements & des Aydes de la chambre des Comptes & de la preuosté de Paris, neantmoins ou leur a rauy sous le nom du Roy le bié & l'honneur, sans qu'il y ayt eu sentence ny arrest contre eux n'y mesme qu'il y ayt eu examet de tesmoins, ou qu'ils ayent seulement esté accusez par au-
C'est la verité que cha- cun les croit trop coupables, Et d'au- tant plus grands & Iniustice qu'on rend au Roy de ne les recher- cher.
 cune partie ny denontiation.

On dira que ça esté bien faict de conseiller a sa Majesté de deposséder ces gens là de leurs offices, apres auoir eu mille plaincte du peu-
Et Iniustice
 ple de leurs diuerfes maluersations, & voyant clarer trop coupables, comme cest la verité que le cōseil de soy estoit iuste, mais il y falloit garder les formes prescrites par les ordon-
cher.

nances, & ne l'ayent point fait, il falloit depuis ce temps là rechercher exactement la vie desdits Receueurs, pour faire voir qu'ëcor que les formalitez n'ayent esté gardees, pour les tirer de leurs charges, on ne leur a point fait d'iniustice au fonds & qu'ils meritent vne plus grande punition que celle qu'ils souffrent, le tout afin d'oster le blasme qu'on donne a sa Majesté d'auoir commis cet acte de puissance absolue contre sa reputation, c'estoit le chemin propre a tenir en cest affaire, au lieu de faire commettre ceste iniustice au Roy, & laisser son honneur engagé, puis qu'il se pouuoit, & se peut encor facilement desgager, cependant on ne fait aucun semblant de vouloir remedier a la faute commise, au contraire il semble qu'on veuille laisser les choses en l'estat qu'elles sont pour n'esteindre pas ce pre-texte de parler.

*C'est faire
porter vne
perte au Roy
l'empeschant
de rendre iu-
stice.*

*Puis qu'on
ne les vouloit
faire iuger
coupables, il
faillist accep-
ter les six cës
mil liures,
qui eust fait
coniecturer*

Est ce pas aussi vn mauuais mesnage d'auoir empesché sa Majesté de prendre six cens mil liures que lesdits Receueurs luy vouloient donner, pour auoir la mesme compunction des autres Financiers, y a il si foible esprit au monde qui ne puisse mal iuger de ce fait, & qu'il ny ait du dessein ou de la passion considerant ce qui vient d'estre dict, touchant la compunction des financiers, & voir encor quel'on commet tant d'iniustice pour maintenir en la place de ces Receueurs, vn homme aussi mal reputé qu'eux que l'on poursuit criminellement pour ses faulsetez, & qui est tant desagreable au peuple, qui est ledit Montauban.

Or que diront maintenant les plus clairs voyans esprits de ce siecle, en considerant toutes ces formes de mesnage, seront ils pas forcez de confesser qu'elles sont preiudiciables, & ne sont point representez icy par des discours imaginément, au contraire qu'il n'y a rien plus veritable que tout ce qui est cy deuant allegué, il n'est pas possible d'y contredire, car la France, & tous les François scauent qu'il y a encores plus à dire qu'on ne dit, il ny a que le Roy seul qui ignore le mal qu'on luy prepare, & n'y a la grande bonté, & la trop de confiance qui le luy facent ignorer.

Mais que dira vn iour sa Maiesté de tant de Princes Seigneurs Officiers de la Couronne, Magistrats de Courts Souueraines, & autres personnes de probitez de suffisance, & de qualité qui sont spectateurs de l'establissemēt & du cours de ce desordre, & qui sont tous les iours pres d'elle sans l'en aduertir, pensent ils que le Roy soit satisfait d'eux, quand il aura cognoissance de ce qui se passe, & qu'il luy diront pour leurs excuses de ne luy en auoir donné aduis, qu'ils portoient vn extrême regret de le voir trompé, & mal seruy, mais qu'ils craignoient de le fascher en luy faisant voir ceste confusion, prouient de la faute de soing ou des desseings cachez de quelques vns de ceux en qui la Maiesté se refie, ce ne luy seront pas des satisfactions valables, il a esté bien necessaire qu'on luy ayt parlé depuis quatre ans de personnes qu'elle affectionnoit avec passion, & neanmoins on a pas veu qu'elle ayt

*leur coups
& aucunement des-
charger
l'honneur du
Roy.*

*Persuasion
aux officiers
de la Couronne
& autres per-
sonnes des
qualités pour
les imiter
d'adueritir le
Roy.*

voulu mal à ceux qui luy ont donné tel aduis.

C'est vn Monarque dont l'esprit est si penetrant, & tant iudicieux qu'il scaura bien discerner le vray d'avec le faux, & la calomnie d'avec la iuste accusation, & verra bien encor si le mal qu'on luy faict est commis par dessein, ou par ignorance, car il ne s'ensuit pas que ceux qui faillent en la seruant, commettent l'offence par malice, & de propos delibéré, il se peut faire que cest par negligence, ou pour n'estre allés entendus aux affaires d'estat, & en ce cas sa Maiesté les peut instruire pour l'aduenir, & establir pour le present vn meilleur ordre en ses affaires, donnant plus grande liberté aux gens de bien ses bons seruiteurs de luy parler de ce qu'ils verront de là en auant preiudicier son seruice comme a la verité, il est tresnecessaire que sa Maiesté se rende plus accessible en cela, & qu'elle face croire qu'elle estime ceux qui la seruent sans artifice.

*Le Prince
blasme par
les fautes des
siens.*

Est-ce pas pitié de veoir vn Prince bon, charitable, equitable & clement, estre iniustement & par la faute d'autrui, soupçonné des vices contraires à telles vertuz, & comme ce pourroit il faire que les souspirs, voire les larmes de tant de veufues, d'orphelins, de pauures familles ruinees, & de gens de guerre incommodéz & estropiez ne fussent accompagnez de plainte, à qui l'en accusent deuant Dieu, pensant que leurs afflictions & desplaisirs viennent de luy, bien qu'il en soit innocent, seroit il possible de sentir tant de maux sans s'en douloir, & que ceux qui en entendent les ge-

missemens n'en eussent compassion, & ne partageassent par charité au mescontentement des offencez.

Si donc les subiects sont mal contens en general les vns pour estre mal traictez, les autres pour auoir pitié du mauuais traictement de leurs compatriottes vous de leurs parens & aliez, & que tous ensemble se plaignent du Roy, de ce dont il n'a nulle coulpe ceux qui luy causent ce malheur, sont ils pas reprehensibles, & ceux qui le scauent & ne le disent, sont ils pas blasmables, veu la consequence du fait.

Faut il attendre a parler que nos ennemis se soient habillement seruir de nos confusions pour nostre ruine, nos derniers troubles ne nous seroient ils point d'exemple assez recent pour nous y faire penser, veult on plus grand tesmoignagne du desespoir qui se loge peu à peu dās les cœurs François, que de voir qu'ils'en soit trouué depuis dix ans, de si miserables, & en si grand nōbre qui ont attenté, & voulu attenter à la vie, & à l'estat de leur Prince legitime, & chacun sçait combien il se parle & escrit librement des actions du Roy, sont ce pas des presages de miseres, & des auant-cōureurs de diuision, fit on pas le semblable au feu Roy Henry troisieme, quatre ou cinq ans deuant la reuolte populaire pour le rendre mal voulu, & odieux a ses subjects par mil diuers pasquins, & libelles diffamatoires, non, non, il ne fault pas desirer d'en voir d'auantage, il ny scauroit arriuer s'y peu d'augmentation que le

*Ceux qui
sont cause de
faire blas-
mer leur
Prince sont
reprehensi-
bles.*

*Tesmoigna-
ge assure de
la mauuaise
volonté des
subiects qui
verifie ce qui
est dict cyde-
uant.*

*Comparai-
son a noter.*

*Louanges du
Roy.*

remede n'en fust difficile.

*Dans vn
nombre de
malcontens
il se treuve
tousiours
quelques de-
sespererz,*

*Il faut que
l'ordre re-
uienne, mais
qu'il faut
craindre que
ce soit par
violence.*

On peut dire avec verité que depuis cent ans il n'y a eu Prince sur la terre contre lequel on doit moins conspirer que contre le Roy, la domination duquel est si douce & agreable aux gens de vertu & de courage, pour ce qu'est des qualitez particulieres de sa personne & cependant il ne s'en remarque point contre qui on ayt tant entrepris, homme qui en est la cause que ceux qui batissent a dessein ou sans y penser vn magazin de mal contens dans l'estat, dont il sort tousiours quelques desespererz, faciles à persuader, & porter au mal, témoin ce que nous auons veu de fraische memoire, & ce quel'on apprend encor tous les iours, dont la Majesté n'est aduertie.

Cependant s'y faut-il necessairement que l'ordre reuienne, soit par la prudence du Roy, ou par l'esclat de quelque mauuaise reuolution, le desordre ne pouuant passer certains termes, desquels nous voions le nostre fort proche.

Toutes les Monarchies, les republiques, & les familles, n'esprouuent en leurs formes de gouvernement que deux sortes de changemens qui rentrent tousiours l'un dans l'autre, ou pour mieux dire qui se chassent tousiours l'un l'autre, ces changemens font l'ordre & le desordre, desquels on voit naistre plusieurs accidens bons & mauuais, l'ordre est de plus longue durce & plus malaisé à destruire, l'autre a ses mouuements, & ses fonctions si plains de violence & qu'il ne peut regner longue-
ment &

ment & les Monarques, les gouuerneurs des republicques, & les Peres de famille ne peuvent avec trop de soin & de vigilance, tascher à reestabli l'ordre quant son cōtraire est arrivé aux lieux ou ils dominant & commandent.

C'est pourquoy les bons & fidelles seruiteurs de sa Majesté ne doivent cesser de la solliciter, de remedier au mal qui nous faict ressentir le desordre ou nous sommes tombez; & toute hōme de bien, doit contribuer tous son pouuoir pour empescher que le mal dont nous menace ceste confusion n'arriue ny ayant personne pout peu qu'il ayt d'intelligence aux affaire du monde, & d'affection au bien de sa patrie qui n'ait assez de subject de l'aprehender, & de considerer qu'après la rupture de l'ordre de la Iustice & par consequent de toute police, les Royaumes & les republicques ou cela aduient, tombent bien tost en quelque changemēt, ou du tout en ruine, & decadēce.

Les guerres ciuilles, partialitez, & soubs leuemens populaires (car les histoires de ce Royaume nous tesmoignent y estre arriuees en diuers siecles pour mesmes subjects) seruent d'auctorité a ce discours, qui se peut encor appuyer par la raison de ces maximes qui disent que la confusion & le desordre de la iustice engendre l'impunité des vices qui l'impunité des vices apporte la licence de les commettre, que ceste licence faict naistre la desobeissance des inferieure a leurs superieurs, & le mespris des bonnes loix, que de ceste desobeissance vient la haine, & les conspirations des subjects vers

*Exemple des
malheurs
passés pour
appuyer ce
discours.*

leurs Princes, & que les conspirations mettent souvent la vie & l'estat des souverains en hazard: il est donc necessaire de rapeller l'ordre & le reestablis comme protecteur de nostre repos chassant son contraire par la reformation des abuz qui l'ont estably, puis qu'il demeure pour constant que de la confusion, s'engendre la diuision, qui ruine les estats & republicques & par consequent que ceux qui sont cause de la confusion, qui la recherchent, ou qui la tollerent, pouuant faire le contraire, sont vrais ennemis du Roy & du repos publicq.

*Le desordre
qui comman-
ce aux af-
faires du
Roy Henry
troisiesme.*

Le desordre qui arriua aux affaires du feu Roy Henry troisiesme print son origine par l'artificieuse traine dont les ennemis de l'estat vserent pour mescontenter generalement son peuple se seruant du peu de soin que les principaux de son Conseil auoyent de s'opposer a leurs desseins, estans la pluspart mal contents des auctoritez, & de trop grands biens faicts qui se donnoient a quelques mignons & ne pensant euxmesmes qu'à leur profit particulier & les ennemis cognoissant que le Roy n'auoit autre desir que damaser de l'argent pour le despendre en ses diuerses affections, & non au biẽ de l'estat & ayant par infinis artifices & par personnes interposees faict proposer vn nombre incroyable d'inuentions ruineuses pour leuer des deniers au mescontentement de l'Eglise, de la Noblesse, & du tiers estat, & en fin introduit ceste pernitieuse inuention des parties & des partisàs iusques a faire fournir sous main argent & cautions par leur Ambas-

fadeurs comme il fust ſecretement donné a co-
noistre a ſa Majesté & qu'il ne reuenoit que le-
tiers de la valeur desdits aduis a ſon profit a-
pres qu'ils eurent par ce moyen diuertý & al-
teré l'affection du peuple qui ſe meſcontétoit
de voir ſa ſubſtance ſeruir a enrichir leſdicts
partifans Eſtrangers, qui eſtoient tous Eſpa-
gnols ou Italiens il feust facile a nos ennemis
d'acquérir & d'entretenir de nos propres de-
niers des pensionnaires partifans d'eſtat & de
faction comme ils en auoyent acquis pour ſe
faict des Finances; & ce qui eſt encor plus a no-
ter en ce faict c'eſt qu'au temps ou les affaires
du Roy alloient plus mal, c'eſtoit lors qu'on *Conſidera-*
s'eſſorçoit pour luy bander les yeux de luy fai- *tions neces-*
re croire qu'il eſtoit le plus grand, & le plus re- *ſaires.*
douté Monarque de la Chreſtiété, & en ceſte
vanité on luy faiſoit meſpriſer tous aduis des
factions & conſpirations qui ſe faiſoyent con-
tre ſon auctorité, & tenir pour indifferent ce
qui eſtoit trop conſequentieux:

C'eſt pourquoy ſa Majesté conſiderant la *Conſidera-*
ſubſtance de ce diſcours, les exemples du paſſé, *tions neces-*
les preparatifs que ſes voiſins font pour nuire *ſaires.*
a ſa grandeur les diuers partis qui ſont en ſon
Royaume & autres choſes qu'il n'eſt beſoing
icy, ne meſpriſera s'il luy plaist l'aduis qu'il luy
eſt donné de remedier aux cauſes du meſcon-
tentement qui s'eſt mis & ſe met encor de
iour en iour parmy ſes ſubjects, & de couper
chemin aux diſcours trop libres & incōſiderez
qui ſe font de toutes ſes actions, autrement on
verra augmenter les preparatifs de noſtres ruy-

ne, s'y Dieu ny met la main, car cest la verité que sa Majesté est si mal seruie & avec tāt d'art & de dessein, qu'on luy celle la pluspart de ce qu'on deburoit luy faire cognoistre, & que quelques vns en qui elle se fie ne luy parlent que selon ce qu'ils croyent estre de sa passion, & non comme il seroit necessaire pour le bien de son seruice, Ce qui se faict a diuers desseins, Bref s'il luy plaist iecter l'oeil aux fondemens de la reuolution passée, elle verra que les mesmes principes sont suiuis maintenant.

*Autres con-
siderations
qui ne sont
point à mes-
piser.*

Sa Majesté considerera encor s'il luy plaist qu'en ce mescontètement general principalement quant il est suiuy d'animosité, est cause sur ce qui est allegué que chacun essaye a nuire & a voir le Prince reduit a quelque necessité, les petits taschent a animer les grands de leurs mesmes d'esplaisirs, & les grands qui sont ambitieux sont bien aises d'entendre librement parler pour en faire leur profit, & sonder les courages & volonteiz afin de s'en seruir en temps & lieu & cependant les disposer tousiours peu a peu a leurs desseins & sur tout a faire que chacun desire la guerre comme de fait la pluspart des Nobles & tous les gens de guerre, la desirent pour diuers subjects & generale-ment pour voir le Roy forcé a faire plus d'estat d'eux qu'il ne faict, tous les coupables & Criminels la souhaitent, & toutes sortes de confusion, pour eüiter comme il est dict, la peine qu'ils croyent auoir meritee les mal contens la cherchent aussi les vns pour se venger, les autres pour veoir leur Prince en peine, & parce

moyen le reduire a leur donner quelque satisfaction, & voila le bien qui se prepare a nostre Monarchie.

Cependant il est facile de remedier a tous ces *Remede aux*
maux & pour y commencer il se pourroit faire *maux qu'on*
sept ou huit reglemens par sa Majesté, dont les *prevoir.*
declarations porteroient le peuple a vne grande esperance de bien a l'aduenir tant pource
qui regarde la satisfaction des iustes debtes, &
la recompense des bons seruices, pour le re-
tablissement de la iustice & le tout se peut faire
augmentant le reuenue de sa Majesté comme
il luy sera monstré lors qu'il luy plaira faire co-
gnoistre qu'elle en ait les propositions agreables.

Entre ces reglemens, le premier ou l'on de- *Reglemens*
ueroit mettre la main, seroit a changer la forme *necessaires*
dont se tient le Conseil d'Estat, & y r'apeler les *sans lesquels*
personnages qui luy font meriter ceste qualite *en vain on*
lesquels le desordre qui s'y commet en a ban- *trouuillera*
nis, & qui toutesfois sont les vrayes confer- *au restablis-*
mateurs du bien public, comme ayans plus *sement de*
d'interest au bien & la grandeur de l'estat que *l'ordre.*
nuls autres, est-il possible qu'il y ait des hom-
mes plus interessez au bien, & a l'honneur du
Roy, & du Royaume que les Princes du Sang,
apres eux les autres Princes, Prelats, & Sei-
gneurs, les officiers de la Couronne, vieux
Magistrats, Ambassadeurs & vieux Cappitai-
nes. Cependant ces gens-la ne vont plus au Co-
seil, sinon lors que quelques vns d'eux en sont
requis & importunez par des particuliers qui
redoutent vne iniustice, ou bien que leurs pro-
pres affaires, les y appellent, & au lieu qu'ils

renoiët a honneur le temps passé d'entrer en ce tenat, il sen dédaignent maintenant l'entree cōme si ce n'estoit qu'un simple auditoire ou cōnuë de Iurisdicions inferieure, & a la verité s'y on y veut bien regarder on confessera que ce cōseil horsmis Monsieur le Chancelier quelques Prelats & cinq ou six qui ont esté Magistrats des Cours Souueraines, & Messieurs des Requestes del'hostel, est cōposé de personne plus capables d'estre Banquiers, Partisans fermiers & sollicitours de procès que Conseillers d'estat.

On pouvoit dire en les flattant que ce soit gens de Finances, dont on a tousiours besoin aux Conseils d'Estat, & de guerre, ne se pouuāt rien acquerir ny conseruer sans argent, soit en la paix ou en la guerre. A quoy on respond que cela seroit bon si en effect ceux dont on parle estoient bons Financiers, gens d'Estat, mais les mauuais mesnages qu'ils ont faicts comme vous auez veu, & ausquels ils continuent encor, tant en la forme de leuer les deniers, qu'en celle de les distribuer, font croire qu'ils n'entendent ceste science, ny par Pratique, ny par Theorique, sinon en ce qui est de la simple supputation, & œconomie commune des comptables, aussi ne font-ils que dire, *ad idem*, de tout ce qui se propose, par celuy, ou ceux qui ruynent l'Estat, ausquels ils seruent de nombre de voix, pour faire taire les gens de bien & bons François, qui demeurent en ce Conseil, comme inutiles, n'osans contredire ny debattre aucune chose proposee par

celluy , ou ceux qu'ils croyent auoir la faueur du Roy , ils se contentent de discourir seulement du desordre qu'ils voyét avec leurs amis particuliers , & de tesmoigner le mescontentement qu'ils ont de n'y pouuoir remedier , & de n'en oser pas seulement parler.

Or apres auoir remis en ce Conseil, les personnes de probité, de suffisance & de qualité, qu'on iugera y estre necessaires, il depend de la prudence du Roy, de mettre vne correspondance & concordance entre eux seulement, pource qui regarde le bien de son seruice, & non aucunement, car au contraire il est bon de rendre les interests separez, les vns des autres, soit par leurs aages, ou leurs professions, & pretensions, afin que ce soient autant de contrepoids a leurs intentions, pour les retenir dans les bornes du deuoir, car de penser que ce soit assez de composer du Conseil de gens de bien, ou pour le moins estimez tels, ce seroit trop se tromper, estans les hommes sujets à tant de passions, qu'il n'y a si homme de bien, à qui vne enuie de mal faire, ne puisse venir, & plus il est esleué, en dignité, plus il en court de hazard, voilà pourquoy il est necessaire d'apporter vn grand soin & artifice au reestablisement dudit Conseil, & c'est ce qui se trouuerra fort facile, lors qu'il plaira à sa Majesté en rechercher les moyes plus particuliers. & tesmoigner vn desir qu'on luy en fait ouuerture.

Il seroit necessaire aussi de regler le Conseil des parties, & oster à Messieurs les Mai-

Maxime necessaire a observer.

Il ny a sy homme de bien qui ne puisse faillir & cest prudemment de lier les hommes a bien faire pour leur interest avec prudence d'hommes.

Atres des Requestes (s'entend pour ceux qui sont recognus aller trop viste) le moyen de tromper mondit sieur le Chancelier sur les rapports qu'ils font deuant luy, de leurs opiniõs, touchant les procez qu'ils ont veüs dans leur auditoire du Palais, ou seulement dans leurs maisons particulieres ou il se commet de plus grandes iniustices, dont on puisse parler. Cela fait, le reste de la Iustice seroit facile a remettre à vn bon reglement, car il y a vn grand nombre de gens de bien & d'honneur dans les Cours Souuetaines qui le desirent avec passion, & qui seroient bien aises d'y mettre la main des premiers, s'ils en auoient le commandement du Roy, ce qu'ils ne peuuent faire d'office, n'ayant point de partisan en main, pour faire party des amendes & confiscations qui prouiendroient de la recherche qu'il conuiendra faire sur les menuz officiers inferieurs, & subalternes, & pour sur ledit party fournir les frais de ladite recherche, suiuant le bon vsage d'aujourd'huy.

*Les gabelles
les aydes le
domaine les
Greffiers.*

Il se peut faire aussi plusieurs mesnages aux finances de sa Majesté, & entre autres sur quatre natures, dont on peut beaucoup augmenter le fonds, au soulagement & contentement de son peuple, comme on fera voir plus particulièrement quand il plaira à sa Maieité, & est à noter qu'une des principales choses, qu'il est besoin d'observer, est de couper le cours aux partys & aux partysans, notamment comme ils se font aujourd'huy, ou ils reprennent le mesme train des caballes, qui se faisoient en
tels

Cas durant le regne du Roy Henry troisieme,
 à la ruine de ses finances, & de ses affaires, car
 il est certain que les Partyfans sont vrayes sen-
 suës du Roy, & du peuple, & qu'en trois par-
 tys qui se font de ceste façon, la Maiefté ne
 tire que la moitié du gain qui s'y faict, l'autre
 moitié s'en allant au profit du Partyfan, & aux
 frais de l'execution du party, lesquels se mon-
 rent ordinairement au quart, estant necessaire
 ausdits Partyfans ; d'auoir vn Conseil formé
 avec gaiges, & entretien composé des meil-
 leurs & plus suffisants esprits, mesmes plusieurs
 Officiers espenduz dans la Prouince & outre
 cela plusieurs pensionnaires pres de la persō-
 ne du Roy & dans son Conseil, bref cest vn
 moyen infailible de corrompre les meilleurs
 seruiteurs des Princes souuerains voire des
 plus gens de bien, par ce qu'on les dispose peu
 a peu, a la longue, a gouter le fruiet & vtilité
 que les partisans rapportent & retirent des
 partis, & la douce inuention que cest de s'enri-
 chir promptement avec vn faux masque de
 iustice sans auoir obligation au Prince, & fai-
 sant artificieusement auctoriser par arrest de
 son Conseil & de ses Cours Souueraines la li-
 berté de tels larcins qui peuuent par succes-
 sion de temps ruiner les Estats mieux fondez.

Le reste des reglements plus necessaires &
 dont il semble n'estre a propos de parler plus
 particulierement pour ceste heure, consiste a
 borner par la crainte & par l'vtilité les actions
 de toutes sortes d'officiers tant de Iustice que

*Moyen de
 corrompre les
 meilleurs ser-
 uiteurs des
 Princes sou-
 uerains.*

51
de Finance, & a remettre l'esperance aux cœurs
des Nobles & gens de guerre qui sont deux
poincts de si grande importance que de là de-
pend vne partie de la seureté del'estat.

F I N.

F A V T E S S U R V E N U E S E N

• l'impression.

P A G E 4. lig. 5. lisez mescontentements lig. 16. a
terres lisez alterez lig. 26. lis. quel p. 8. lig. 25.
estrangeres p. 9. lig. 22. apres l'industrie adioustez
vaut p. 2. lig. 21. apres croye adioustez que lig. 32. lis.
establir p. 12. lig. 2. apres tellement adioustez en cre-
dit idem lis. licence, lign. 32. lis. renduë pag. 11. lis.
borne pag. 14. lign. 31. lis. meritee pag. 15 lig. 8. lis.
luy lig. 9. lis. verge pag. 16. lign. 15. lis. iuste lign.
30. lis. heure p. 17. lig. 30. & 31. lis. puis que ses sub-
iects en son ruinez lig. 3. de l'addition lis. l'œcono-
mie p. 18. lig. 15. lis. reiettelig. 26. lis. accessseurs p.
19. lig. 2. lis. resolu p. 21. lig. 2. lis. grand lig. derniere
lis. de tels crimes p. 22. lig. 23. lis. acte est commis p.
23. lig. 19. & 20. lis. offres p. 24. lig. 3. lis. deceptions
p. 28. lig. 5. lis. seuls 34. lig. 27. lis. tout p. 35. lig. 20.
lis. on p. 37. lig. 6. lis. imaginéres lig. derniere lis. on
n'a pag. 39. lig. 7. lis. voire ligne 17. lis. seruent.

THE HISTORY OF THE
CITY OF LONDON

By Wm. Stukely Esq.
In two Volumes.
The first Volume contains
the History of the City
from the first Settlement
to the present Time.
The second Volume
contains the History of
the City from the
present Time to the
present Time.
The first Volume
contains the History
of the City from
the first Settlement
to the present Time.
The second Volume
contains the History
of the City from
the present Time
to the present Time.